

四庫全書

子部

欽定四庫全書

全芳備祖前集卷十二 宋 陳景沂 撰

花部

菊花

事實祖

碎錄

菊治牆

滿雅

馬蘭為紫菊瞿麥為大菊烏喙苗為鴛鴦菊

旋復花為艾菊

全上

菊有筋菊有白菊有黃菊一名延年

一名日精菊有兩種一種紫莖香而味甘美葉可作羹一種青莖而大作蒿艾氣味苦不堪食名薏非真菊也

本季秋之月菊有黃華

月令

紀要

桓景隨費長房學長房曰九月九日汝家當有大灾厄急縫囊盛茱萸繫臂上登山飲菊酒

續齊諧記

魏文帝與鍾

繇書曰歲往月來忽復九月九日九為陽數俗因其名以為宜于長久是月芳菊紛然歸榮輔體延年莫斯之

貴謹奉一束以助彭祖之術

本記

陶潛九月九日無酒宅

邊菊叢摘盈把坐其側悵望久之見白衣至乃江州王

弘送酒即便就酌醉而后歸

續晉陽秋

南陽鄆縣有甘谷

中水香美其上有大菊落水從山流下得其滋液谷中

二十家仰飲此水上壽百二三十中壽百餘歲七十八

十則謂之天

風俗通

鄆縣北八里有菊水其源悲芳菊被

崖水甚甘馨胡廣久患風羸常汲水飲後疾遂瘳年及

百歲

荆川記

道士朱孺子吳末入玉笥山服菊花乘雲升

天名山記康風子服甘菊花桐實後得仙神仙傳

雜著

朝飲木蘭之墜露兮夕餐秋菊之落英離騷蘭有馨兮菊

有芳漢武秋風詞三徑就荒松菊猶存陶潛歸去來辭翠葉雲布黃

蕊星羅盧湛賦陸龜蒙自號天隨生宅荒少牆屋多隙地

前後皆樹以杞菊春苗恣肥得以採擷供左右杯按及

夏五月枝葉老硬氣味苦澁旦暮猶督責兒輩掇拾不

已遂作杞菊賦文粹蘇東坡守膠西厨傳索然不堪其憂

日與通守劉君廷式循古城廢圃求杞菊食之作後杞

菊賦

文集

張南軒為江陵守之數月方春經行郡圃命採

杞菊付之庖人或謂先生據方伯之位顧指如意乃從
野人之餐得毋近于矯激有同於脫粟布被者乎先生
應之曰天壤之間孰為正味享或腊毒淡乃其至唯杞
與菊中和所萃騷南陽於西河又顧齡之可制於是又
作續杞菊賦

文集

菊草屬也以黃為正所以槩稱黃花漢

俗九月飲菊酒以祓除不祥蓋九月律中無射而數九

俗尚九日而用時之草也南陽鄱縣有菊潭飲其水者
皆壽神仙傳有康生服其花而成仙菊有黃花禮用以
準節令大畧黃花開時節候不差江南地暖百卉造作
無時而菊獨不然攷其理菊唯傲烈高潔不與百卉同
其盛衰必待霜降草木黃落而花始開嶺南冬至始有
微霜故也一名日精一名周盈一名傳延年所宜貴者
苗可以菜花可以藥囊可以枕釀可以飲所以高人隱
士籬落畦圃之間不可以一日無此花也陶淵明植于

三徑米于東籬，露撥英汎以忘憂。鍾會賦以五美，謂圓華高懸，準天極也。純黃不雜，后土色也。早植晚發，君子德也。冒霜吐穎，象勁直也。杯中體輕，神仙食也。其為所重如此。然品類有數十種，而白菊一二年多有變黃者。余在二水，植白菊百餘株，次年盡變為黃花。今以色之黃白及雜色品類，可見於吳門者，二十有七種，大小顏色殊異而不同。自昔好事為牡丹芍藥、海棠、竹筍，作譜記者多矣。獨菊花未有為之記者，殆亦菊花之闕文。

也余始以所見為之若夫耳目之未接品類之未脩更俟博雅君子與我同志者續之

史正志

韓魏公在北門有

詩云不羞老圃秋容淡且看黃花晚節香識者知其

晚節之高

李孝平

鄭谷十日菊詩云自緣今日人心別未

必秋香一夜衰此意甚佳而病在氣不長

詩話

王荆公殘

菊詩黃昏風雨打園林殘菊凋零滿地金歐陽公見之

戲荆公曰秋花不比春花落憑仗詩人仔細吟荆公聞

之笑曰歐九不學之故也豈不見楚詞云夕餐秋菊之

落英或云詩之訪落以落訓始蓋謂始開之花耳

史正志序

賦咏祖

五言散句

白露滋園菊

謝惠連

芳菊舒金英

唐德宗

寒花發黃采

張景陽

時菊委嚴霜

文選

笑酌黃金花

黃花催逸興

李白

時菊碎榛叢

菊垂金秋花

雨荒深院菊

故里樊川菊

盃迎露菊鮮

菊蕊獨盈枝

重岩細菊斑

寒華只暫香

輕露栖叢菊

少陵

霜曉菊鮮鮮

園菊茂新芳

牆根菊花好

韓文公

我屋南牕下今生幾叢菊

淵明

細葉抽輕翠圓花簇嫩黃

唐太宗

晚來高興處搖蕩菊花期

異芳初艷菊故里亦高格

羹煮秋萸滑盃迎露菊新

庭前有白露暗滿菊花團

愁眼看秋露寒城菊自花

滿步如松碧同時待菊黃

伊昔黃花酒如今白髮翁

坐開桑落酒來把菊花枝

少陵

時過菊潭上摘此黃金花

太白

擷其黃金蕊泛此白玉卮

永叔

粲粲秋菊早卓為霜中英

老泉

輕霜臨菊月細雨似梅天

王潛齋

薦菊明詩眼看梅長道心

陳三嶼

七言散句

野徑冷香黃菊秀

永叔

菊殘猶有傲霜枝

東坡

竹葉于今既無分菊花從此不須開

苦遭白髮不相放羞見黃花無數新

籬邊老却陶潛菊江上徒逢袁紹杯

少陵

江頭赤葉楓愁客籬外黃花菊對誰

嚴氏

不是花中偏愛菊此花開後更無花

元稹

陶令思歸未得歸黃花想見繞東籬

周益公

牢裹烏紗莫吹却免教白髮見黃花

徐竹隱

蕙菊未開傾竹葉柴桑有夢繞籃輿

趙盾齋

問花何事人偏愛會遇淵明把玩來

吳荆谿

秋風為我語籬菊且耐寒香伴白雲

王洽謗

九月黃花依舊好蛩聲空自怨深秋

陳錦山

白衣不到東籬畔吟得黃花滿口香

黃溪雲

想得東籬黃已徧到家及取未凋零

湛道山

草卧夕陽牛犢健菊留秋色蟹螯肥

方秋崖

不因彭澤休官去未必黃花得許香

沈唯齋

莫言滿眼無知己耐久黃花是故人

徐集孫

西風昨夜摧黃葉秋亦無心在菊花

趙鈞月

猶作霓裳舞妖態零紅墜粉濕秋根

張芸叟

黃花自與淵明別不見閑人直到今

祝和父

五言古詩

結廬在人境而無車馬喧問君何能爾心遠地自偏采菊東籬下悠然見南山山氣日夕佳飛鳥相與還此中

有真意欲辨已忘言

淵明

秋菊有佳色裛露掇其英汎此忘憂物遠我遺世情一觴雖獨進杯盡壺自傾日入羣動息歸鳥趨林鳴嘯傲

東軒下聊復得此生

淵明

和澤周三春煜煜涼秋節露凝無游氣天高風景徹陵
岑聳逸峰遙瞻皆奇絕芳菊開林耀青松冠岩列懷此
貞秀姿卓為霜中杰銜觴念幽人千載撫爾訣儉素不

復展厭厭覺涼月

淵明

越山春始寒霜菊晚愈好朝來出細粟稍覺芳歲老孤
根蔭長松獨秀無衆草晨光雖照耀秋雨半摧倒先生
卧不出黃葉紛可掃無人送酒壺空腸嚼珠寶香風入
牙頰楚些發天藻新英蔚已滿宿根寒不槁揚揚弄芳

蜨生死何足道頗訝昌黎公恨爾生不早

東坡

騷人足奇思香草比君子況此霜下傑清芬絕蘭芷氣

稟金行肅德脩黃中美古來鶴髮翁餐英飲其水但恐

藜藿傷課僕加料理

老泉

黃花候秋節遠自夏小正坤裳有正色鞠衣亦令名一

從人偽勝遂與天力爭易姓寓非俗改顏隨所令新奇

既易售粹駁定相傾疾惡逢伯厚識真似淵明君言我

所印世論誰能評願君為霜風一掃紫與頰

東坡

黃花不負秋與秋作光輝夜霜為作惡朝日為解圍今
晨豈重九節意入芳菲孤芳擅天地衆卉亦已微殷勤
黃金鑒照耀白板扉沽酒欲壽花孔方與我違靜坐絕
省事未覺此計非夕英豈不腴騷人自難肥

陳簡齋

手種黃金花摩挲待其成朝來風雨過萬暈秋玲坼起
問花知否獨立常亭亭嘗於清霜下退然得此生南山
與東籬我亦學淵明久落塵網中叫花花不應

陳賁窓

五言古詩散聯

少年飲酒時踴躍見菊花今來不復飲每見長咨嗟

立摘滿手行行把歸家

昌黎

是節東籬菊紛披為誰秀岑生多新詩性亦嗜醇酎

采黃金花何由滿衣袖

杜甫

五言絕句

每恨陶彭澤無錢對菊花如今九日至自覺酒頻賒

少陵

青蕊冒珍叢幽姿含曉露政爾破荒唐詎免傷遲暮

齊誠

首二

味苦誰能愛香寒只自珍常將潭底水普供世間人

五言八句

籬落歲云暮數枝聊自芳雪裁新蕊密金拆小苞香千

載白衣酒一生青女霜春叢莫輕薄彼此有行藏

羅隱

寒花開已盡菊蕊獨盈枝舊摘人頻異輕香酒暫隨地

偏初衣袂山擁更登危萬國皆戎馬酣歌淚欲垂

杜甫

五言排律

家家菊盡黃梁苑獨如霜瑩淨真琪樹分明對玉堂仙

人披雪氅素女厭紅粧粉蛇米難見麻衣拂更香南風
搖羽扇含露滴瓊漿高艷遮銀井繁枝覆象床桂叢慙
並發梅萼妬先芳一入瑤華咏從茲播樂章

劉禹錫

五言律詩散聯

暗暗淡淡紫融融冶冶黃陶令籬邊色羅含宅裏香

李義山

粲粲黃金裾亭亭白玉膚極知時好異擬與歲寒俱墮
地良不忍抱板寧自枯

吳履齋

七言古詩

庭前甘菊移時晚，青蕊重陽不堪摘。
明日蕭條醉盡醒，殘花爛漫開何益。
籬邊野外多衆芳，采擷瑣細升中堂。
念茲空長大枝葉，結根失所纏風霜。

杜甫

病眼仇冤一束書，客舍葭莩菊一株。
看來看去兩相厭，花意蕭條恰似無。
清晚肩輿過花市，陶家全園移在此。
千枝萬枝都不看，一枝兩枝誰復遣。
遣平地拔起金浮屠，瑞光千尺照碧虛。
乃是結成菊花塔，蜜蜂作僧僧作蝶。

菊花障子更玲瓏翡翠六扇排屏風金錢裝面密如積
金鈿滿地無人識先生一見雙眼開故山三徑何獨懷
君不見內前四時有花賣和寧門裏花如海

七言絕句

誰將陶令門前菊幻作酴醾白玉花小草真成有風味

東園添我老生涯

山谷
二首

呂園未肯輕沽我

時欲買
此園

且寄田家砌下栽他日秋光

媚重九清香知是故人来

共坐闌邊日欲斜更將金蕊泛流霞欲知却老延齡藥

百草摧時始見花

歐陽永叔

菊生不是遇淵明自更淵明遇菊生
歲老霜寒心獨苦

淵明元是菊花精

誠齋三首

物性從來各一家誰貪寒瘦厭年華
菊花自擇風霜國

不是春光外菊花

鶯樣衣裳錢樣裁冷霜涼露澣秋埃
比他紅紫開差晚

時節米時畢竟開

城荒葉落風颭颭淮水茫茫古渡頭白首不堪行樂地

黃花點點是離愁

趙信巷
三首

落拓山園載酒來江梅含雪倚春臺菊花無藉秋光老
猶自離披帶雨開

黃花照眼又經秋山自青青江自流多謝龍頭鰲禁客
年年把酒到江樓

羞與春華艷冶同殷勤培養待西風不須牽引淵明比

隨分籬邊要幾叢

劉後村

獨向隣園看菊回，隔籬驚見一枝梅。西風憐我太寂寞，

特地遣花將句來。

徐介軒

秋風兩度身為客，已見重陽未到家村。酒不堪供節事，

祇將青眼看黃花。

翁浩堂

汎掃官廳頓菊栽，老兵怕碍客車來。費人早晚勤澆灌，

何似籬邊自在開。

趙台山

一段風流玉琢成，開從霜後越精神。休嫌茉莉非吾配，

會識張良似婦人。

二隱

白白黃黃自歲寒詩人但作菊花看牡丹茉莉非吾事
自是時人被眼瞞

親向東籬手自栽夕陽小徑重徘徊花應得似人垂角
過了重陽爛漫開

愛花千古說淵明肯把秋光不似春我重此花全晚節
勝栽三徑伴閒身

新分菊本自鉏山手縛枯藤作矮欄比似著書空用力
種花猶得一年看

高菊
硯

七言八句

青叢頽郁早抽芽
金蕊爛斑晚著花
秋意正應宜淡泊
化工可是惜鉛華
輕烟細雨重陽節
曲檻疎籬五柳家

暮醉朝吟供採摘
更憐寒蝶共生涯

劉屏山

香名不枉入騷壇
最愛霜林耐歲寒
切莫逢人嘆遲暮
何曾委地有飄殘
人如靖節本堪采
世欠靈均少得餐
甚矣吾衰閉門坐
籬邊自折一枝看

潘恭岩

七言八句散聯

陶詩只作黃金實郢客新傳白雪英素色不同離下發

繁花疑是月中生

李義山

樂府祖

少年遊

去年秋晚此園中攜手玩芳叢
拈花嗅蕊惱烟撩霧沉
醉倚西風今年重對芳叢處
追往事又成空敲徧開
干向人無語惆悵滿枝紅

歐陽修

定風波

與客攜壺上翠微江涵秋影雁初飛人世難逢開口笑
菊花須插滿頭歸 酩酊但酹佳節了雲嶠登臨不用

怨斜暉古往今來誰不老多少牛山何必更沾衣

東坡

水調歌頭

江水浸雲影鴻雁欲南飛攜壺結客何處空翠縹烟霏
塵世難逢一笑況有紫萸黃菊須插滿頭歸風景今朝
是身世昔人非 酹佳節須酹酹莫相違人生如寄何
事辛苦怨斜暉無盡今來古往何限春花秋月變化倏

無依問取牛山客何必獨沾衣

朱文公

南鄉子

黃菊滿東籬與客攜壺上翠微
已是有花兼有酒良期
不用登臨怨落暉
滿酌不須辭
莫待無花空折枝
寂寞酒醒人散后
堪悲節去花愁蝶不知

山谷

鷓鴣天

黃菊枝頭坐曉寒
人生莫放酒杯乾
風前橫笛斜吹雨
醉裏簪花倒著冠
身健在且加餐
舞裙歌板盡清歡

黃花白髮相牽挽付與時人冷眼看

受恩深

雅致裝庭宇黃花開淡佇細香明艷盡天與助秀色堪
餐向曉自有真珠露剛被金錢妒擬買秋天容易獨步
粉蝶無情蜂已去要上金樽唯有詩人曾許待宴賞
重陽恁時盡把芳心吐陶令經回顧悴憔悴東籬冷烟疎

雨

柳耆卿

醉花陰

薄霧濃陰愁永晝瑞腦噴香獸時節又重陽玉枕紗幮
半夜秋初透東籬把酒黃昏后有暗香盈袖莫道不
消魂簾卷西風人比黃花瘦

李易安

破陣子

憶得去年今日黃花正滿東籬曾與主人臨小檻共折
香英泛酒卮長條插鬢垂人貌不應遷換玲瓏又覩
芳菲重把一樽尋舊徑可惜光陰去似飛風高露冷時

晏叔原

蔦山溪

年芳已遠涼夏疎疎雨菊占此時閒背佳期清秋何處
滴成金豆彈破栗文圓臨水檻倚風亭全勝東籬暮
茱萸未結誰是多情侶菖葉與葵花也相饒也相妒主
人著意何必念登高浮酒面解煩襟消盡當筵暑

仲殊

鷓鴣天

一種濃華別樣粧留連春色到秋光解將天上千年艷
翻作人間九日黃凝薄霧做繁霜東籬恰似武陵鄉

有時醉眼偷相顧，錯認陶潛作阮郎。

張子湖

如夢令

野菊亭亭爭秀，閑伴露荷風柳。
淺碧小開花，誰摘誰看。
誰喫知否？知否不入東籬杯酒。

張約齋

念奴嬌

老夫白髮尚兒戲，廢圃一番料理。
餐飲落英，并墜露重，把離騷拈起。
冷艷幽香，深黃淺白，占斷西風裏。
飛來雙蝶，繞叢欲去還止。
嘗試銓次羣芳，梅花差可，伯仲之

聞耳佛說諸天金世界未必莊嚴如此尚友靈均定交
元亮結好天隨子籬邊坡下一杯聊泛菊蕊

劉後村

鵲橋仙

寒叢弄日寶鈿承露籬落亭亭相倚當年彭澤未歸來
料獨抱幽香一世疎風冷雨淡烟殘照日日重陽天
氣帽簷已是半欹斜問甕裡新菊熟未

盧蒲江

好事近

秋色到東籬一種露紅先占應念金英冷淡滴胭脂濃

染依稀十月小桃花霜蕊破霞臉何事淵明風致却

十分妖艷

劉圻父

一落索

瘦得黃花能小一簾香杳東籬雲冷正愁予猶幸是西
風少葉下亭皋渺渺秋何為者無錢持蟹對黃花又

辜負重陽也

方秋崖

全芳備祖前集卷十二

欽定四庫全書

全芳備祖前集卷十三 宋 陳景沂 撰

花部

巖桂花

事實祖

碎錄

檍木桂樹也一名木樨花淡白其淡紅者謂之丹桂黃

花者能子叢生巖嶺間

兩雅

紀要

月中有桂樹

淮南子

月桂高五丈下有人常斫之樹瘡隨

合人姓吳名剛西河人學仙有過謫令伐樹

南陽雜俎

臯塗

之山有桂木八樹在貴州東八樹成桂言其大也貴州

即番禺也

山海經

桂陽郡有桂嶺放花徧白林嶺盡香

地理

志淮南子劉安好道感八公共登山斫桂樹而賦有大

小桂山因以自號招隱士者劉安小山之所作也

楚辭注

有左翁者坐桂樹下以玉杯承甘露與吳猛服之

廬山記

晉郗詵對策第一武帝問之曰臣今為天下第一猶桂

林一枝

晉史

雜著

桂樹叢生兮山之幽偃蹇連蜷兮枝相繚山氣籠從兮
石嵯峨谿谷嶄岩兮水層波猿狖羣嘯兮虎豹舉援
桂枝兮聊淹留王孫遊兮不歸春草生兮萋萋歲暮兮
不自聊蟋蟀鳴兮啾啾塊兮軋山曲岬心淹留兮惘恍
惘罔兮沕僚兮慄虎豹穴叢薄深林兮人上慄嶽崱嶠

嶢兮硃碗礚礚樹輪相糾兮林木茂飢青莎穉樹兮嶺
草霍靡白鹿麋麕兮或騰或倚狀貌崟崟兮戢戢淒淒
兮泚泚獼猴兮熊羆慕類兮以悲攀援桂枝兮聊淹留
虎豹鬬兮熊羆哮禽獸駭兮亡其曹王孫兮歸來山中

兮不可久留

小山招隱

朱桂黝條于南北

靈光殿賦

桂樹列兮紛

敷吐花紫芳布條實孤

飲筍若之朝露兮構桂木以

為室

桂蠹不知所淹留兮慕虫不知死於葵葉桂

芳香兮正堅故君子依之

並文選

桂棹兮蘭枻

桂棟兮

焚燎結桂枝兮延佇沛吾乘兮桂舟援北斗兮酌桂

漿

並楚詞

南州之炎德兮麗桂樹之冬榮

遠游

天竺山昔有

梵僧云從天竺鷲山飛來八月十五夜嘗有桂子落故

白樂天詩云仙花桂子落紛紛

東坡詩注

竇禹鈞有子五人

俱登科馮道贈之詩曰靈椿一樹老丹桂五枝芳

詩集

賦咏祖

五言散句

微風動桂華

嵇康

秋風生桂枝

沈休文

有喜留攀桂

禮闈曾擢桂

丹桂風霜急

賞月延秋桂

少陵

仙籍桂香浮

霧密前山桂

柳子厚

桂子秋皎潔

孟浩然

青桂隱遙月

南州實炎德桂樹凌寒山

謝靈運

相思在何處桂樹青雲端

李白

桂子月中落天香雲外飄

宋之問

斫却月中桂清光應更多

少陵

轉蓬行地遠攀桂仰天高

故園松桂發萬里共清輝

蒼蒼山中桂團團霜露色

文選

窮冬百草死幽桂乃芬芳

韓文公

山中有桂花莫將花如霰

王維

離披得幽桂芳本欣盈握

柳宗元

瓊葉潤不凋珠英粲如織

李德裕

何年霜夜月桂子落寒山

桂熟長收子蘭生不作畦

王建

忽逢幽隱樹如見獨醒人

于武陵

蟾宮分異種人世敢清香

白氏集

弟子已攀桂先生猶卧雲

方干

近方簷蔔黃遠比茱萸小

林高隱

七言散句

山頭老桂吹古香

聯翩桂花墜秋月

李長吉

兔寒蟾冷桂香白

李義山

清露香浮黃玉枝

陳簡齋

山雲漠漠桂花濕

東坡

桂子高攀第一枝

桂折一枝先許我楊穿三葉盡驚人

白香山

長抱秋蟾滋秋氣偶搖風露墜塔陰除

恭案

松椿自有千年壽蘭蕙何無千里香

白氏集

國香熏舍先生醉秋葉栽花客子迷

楚塞山深草木馨
秋來處處發菁英

天將秋氣蒸寒馥
月借金波摘小黃

夾路兩行森翠蓋
西風半夜散麝金

誠齋

憶曾寒露飄金粟
自領兒童拾薄金

已搜杞菊到詒厥
絕與木樨親友于

露下風高月當戶
夢回酒醒客聞砧

看來看去能幾大
如何著得許多香

天開金粟如來藏
人立廣寒宮殿秋

五言古詩

問春桂桃李正芳華年光隨處滿何事獨無花春桂答

春華詎能久風霜搖落時獨秀君知否

王績

世人種桃李多在金張門攀折爭捷徑及此春風暄一

朝天霜下榮耀難久存安知南山桂綠葉垂芳根青陰

亦可托何惜植君園

太白

謫官去南裔清湘繞靈岳晨登黃陵岸霜景霽紛濁披
離得幽桂芳本欣盈握火井困烟燼薪米久推剝道傍

且不顧岑巖汎幽邈傾筐擁故壤
栖息期鸞鷟路遠清涼宮一雨悟
無學南人始珍重微我誰先覺芳
意不可

傳丹心徒自渥

柳子厚
移桂

有客賞芳菲移根自幽谷為懷中
山趣愛此岩下綠晚

露秋暉浮清陰藥闌曲更待繁花
白邀君弄芳馥

歐陽
永叔

化工吝幽香斑斑被花木氤氲寒
岩桂高韻蓋羣馥無

人盡日芳守志何幽獨士介恥求
知女貞慚自鬻淒涼

楚山秋樛枝吐金粟淺水暎輕明
微颺發含蓄樓端靜

忽聞馬上遙相逐，踟躕為延竚。但見林巒綠，瓶罌誰折
贈。清芬闕廬屋，久處不自知。乍至稱馥郁，客悲芳歲暮。

夢繞寒溪曲，長吟小山詞。古意恐難復。

劉屏山

天心不求金富嫗，不復藏居然。土同價散作草木芳英。
英國中葵一心傾，太陽采采籬下菊。令汝壽命康唯此。
木之樛更貯萬斛香，雄姿傲霜雪。鱗甲森青蒼，三賢鼎
足立正色。凜相望，豈比桃李徒紅紫。紛披昌聊息貪者
心，來上君子堂。歲晚從我游，真汝兄弟行。

張子湖

五言古詩散聯

不歸天上月空老山中年無人為移植添入上林園

香山

團團桂叢孤枝葉寒更媚托根庭宇間自有幽人致何

必問嫦娥青雲借餘地

曾文昭

五言絕句

堂中有八樹繁華無四時不識風霜古安知零落期

梁鴻

雲

新叢入望苑舊幹別層城請視今移處何如月裏生

庾肩

吾

不是人間種移從月窟來
廣寒香一點吹得滿山開

楊誠

齋

喬木生夏涼芳蕤散秋馥
未覺歲將寒扶疏方繞屋

朱文

公

五言八句

未植蟾宮裡寧移玉殿幽
枝生無限月花滿自然秋
俠

客條為馬仙人葉作舟
願君期道術攀折可淹留

李嶠

日暖山上路鶯啼知已春忽逢幽隱樹如見獨醒人石

冷閒常晚風多落已頻樵夫應不識歲久伐為薪

于武陵

山中綠玉樹瀟灑向秋深小閣芬微度詩惟氣欲侵披

懷清露曉遇賞夕嵐陰珍重王孫意天涯淚滿襟

朱文公三

首

亭亭岩下桂歲晚獨芬芳葉密千層綠花開萬點黃天

香生淨想雲影護仙粧誰識王孫意空吟招隱章

露浥黃金蕊風生碧玉枝千林向搖落此樹獨華滋木

未難同調籬邊不並時
板援香滿袖歎息共心期

五言律詩散聯

玉蕊琅玕樹天香知意薰
露寒清透骨風定遠含芬

刷菊

七言古詩

玉階桂影秋綽約天香為卷
浮雲薄嬋娟醉眠水晶殿
老蟾不守餘香落蒼苔忽生
霜月裔仙芬淒冷真珠萼
娟娟石畔為誰妍香霧著人
清入幕夜深醉月寒相就
荼蘼却作傷心瘦
美雲仙女淡紵衣
烟裙不著鴛鴦繡

眼中寒香誰同惜冷吟經台梅花魄小蠻為洗玻璃杯

晚來秋甕蒲桃碧

毛澤民

西風夜入小池塘木樨漏泄月中香一粒粟中香萬斛

君看一梢幾金粟

誠齋

七言絕句

淪雪凝酥點嫩黃舊薇清露染衣裳西風掃盡狂蜂蝶

猶伴天邊桂子香

韓子蒼

彈壓西風擅衆芳十分秋色為伊忙一枝淡貯書窓下

人與花心各自香

朱淑真
二首

月待圓時花正好
花將殘後月還虧
須知天上人間物
同稟秋清在一時

輕薄西風未辨霜
夜揉黃雪作秋光
吹殘六出猶餘四

正似天花更著香

謝無
逸

雨過西風作晚涼
連雲老翠出新黃
清芬一日來天闕

世上龍涎不敢香

鄭志
宏

衆芳搖落九秋期
橫出天香第一枝
莫似寒梅太孤絕

更教遙夜笛中吹

次公
三首

仙衣纔試鬱金黃
便覺秋風滿院香
定觀極知先透徹
道心豈是故迎將

秋到寒岩桂樹叢
小山吟罷思悲翁
不妨更作淹留計
占取人間十里風

學仙深媿似吳郎
賴有吾廬兩子蒼
疑是廣寒宮裏種

一秋三度送秋香

王梅
溪

誰遣秋風開此花
天香來自玉皇家
鬱金裳浥薔薇露

知是仙人萼綠華

方秋崖

翠葉金華小，胆瓶輕拈微嗅。不勝情從教失，陷沈烟冷。

驀地薰心夢也清

徐分軒

露洗金虫一半開，層層碧玉映樓臺。西風昨夜吹香過，

人在闌干待月來

吳菊潭

多應仙國山邊種，豈是嫦娥月裏香。願為兒孫積陰德，

東堂時占一枝芳

朱賁之二首

人間植物月中根，碧樹分散寶熏自是莊嚴等金粟。

不將妖艷比紅裙

天公憐我太岑寂每歲殷勤兩度開收拾落英將底用

博山香裏薦清杯

鄭行可

七言八句

月缺霜濃蕊却乾此花元屬桂堂仙驚峰子落驚前夜
蟾窟枝空記昔年破械高僧憐耿介練裙溪女鬪清妍

願公採擷紉幽佩莫遣遺芳老澗邊

東坡

塵世何曾識桂林花仙夜入廣寒深移將天上衆香國

寄在梢頭一粟金，露下風高月當戶。夢回酒醒客間砧。

詩情惱得渾無那，不為龍涎與水沈。

誠齋
二首

分得吳剛斫處，林鶯兒灑色不須深。系從犀首名干木，
派別黃香字子金。衣澣菖蘂兼水麝，韻如月杵應霜砧。
餘芳熏入旃檀骨，從此人間有桂沈。

翠圓侍女擁紅幢，霞臉調朱笑額黃。共醉東君千日酒，
更翻西母九霞觴。人間天上高低影，月下風前自在香。

輪得廣寒宮裏客，年年綠髮賞秋光。

楊濟翁謝
同益公

重重簾幙護金猊小樹花開逼麝臍寒色十分新瘳粟
春心一點暗通犀香延棋畔仙人斧影射燈前太乙藜
從此再遇花甲子伴公長醉玉東西

徐竹溪

樂府祖

清平樂

人間花少菊小芙蓉老冷淡仙人偏得道買住西風一
笑前身應是江梅黃姑點破冰肌只道暗香猶在叅

差清似南枝

米希真

小山叢桂最有留人意
拂葉扳花無限思
雨濕濃香滿
袂別來過了
秋光翠簾昨夜新霜多少
月宮閑色姮

娥與借微芳

劉原父

斷崖流水香度青林底
元配騷人蘭與芷
不數春風桃

李淮南巖桂小山詩
翁合得扳翻身到十洲三島心

游萬壑千岩

蘇養直

黃衫相倚翠葆層層底
八月江南風日美
美影山腰水

尾楚人未識孤妍離騷遺恨
千年無住
菴中新事一

枝喚起幽禪

陳簡齋

秋光如洗釀作鶯黃蟻散入千巖佳樹裏惟許修門人

醉輕鈿重上風鬟不禁月冷霜寒步障深沈歸去依

然愁滿江山

韓叔夏

少年痛飲憶向吳江醒明月團圓高樹影十里薔薇水

冷大都一點宮黃人間直恁芬芳怕是秋天風露染

教世界都香

稼軒二首

月明秋曉翠蓋團團好剪碎黃金教恁小都著葉兒遮

了折來休似平時小牕能有高低無頓許多香處只
消三兩枝兒

秦樓月

香簌簌小山叢桂烘溫玉烘溫玉酒愁花暗沈腰如束
煩君剩興陽春曲為君細拂羅衾馥羅衾馥一春幽

夢與君相續

趙介
卷

滿庭芳

秋入微陰涼生平遠小山愁絕天南似聞還斷飛粟徧

千巖葉底輕黃纂纂惱人是微裂方緘脩然勝清真冷
淡無艷寄塵凡 澄潭歆兩岸波光搖動碧影相參任
西風十里吹度松杉我自寒灰槁木凝神處不覺醺酣
歸來晚飛花無迹明月滿空山

劉子
翬

月窟盤根雲岩分種絕知不是塵凡琉璃剪葉金粟綴
花繁黃菊周旋避舍友蘭蕙羞殺山樊清香遠秋風十
里鼻觀已先參 酒闌聽我語平生半世江北江南經
行處無窮綠水青山嘗被此花相惱思共老結屋中間

不因著薜蘿林底事游戲到人寰

向伯恭

生查子

我愛木中犀不是凡花數清似水沈香色染薔薇露

薜蘿月冷時玉筍雲深處歸夢托西風夜夜江頭路

向薜

林

蝶戀花

岩桂秋風南埭露牆外行人十里香隨步此是薜蘿林游
戲處誰知不向根塵住今日對花非浪語憶昨明光

早辱君王顧生怕素繩輕點污思鱸何似思花去

向伯恭

桂枝香

天高氣肅正月色分明秋容新沐桂子初收三十六宮
都足不辭散落人間去怕羣花自嫌凡俗向他秋晚喚
回春意幾番幽獨 是天上餘香賸馥怪一樹香風十
里相續坐對花旁但見色浮金粟芙蓉只解添秋思况
東籬淒涼黃菊入時太淺背時太遠愛尋高躅

龍川

驀山溪

嫣然一笑風味人間沒
來自廣寒宮直偷得天香入骨
軟金縷屑點綴碧瓊枝花藏葉葉籠花剛被風吹拂

道人衾帳不用沈烟熨
插滿枕屏山覺身在藍橋仙窟
一觴一咏消得九秋愁籬邊菊畹中蘭甘避芳塵不
鄭松窓

霜天曉角

綠雲剪葉低護與黃金屑占斷花中聲譽香韻兩清潔
勝絕君聽說是他來處別試看金衣猶帶金庭露玉

階月

水龍吟

智瓊嬌額塗黃為誰種作秋風蕊寒香半露綠幃深護
猶聞千里山麝生臍水沈削蠟一時羞避向錢塘江上
中秋月下有人暗尋遺子不柰書生習氣對羣花領
畧風味騷人已去欲紉幽佩重為湘酹天賦風流友梅
兄蕙與桃奴李向明牕棐几纖枝未老眼明如水

楊補之

臨江仙

玉宇涼生清禁曉丹艷色照晴空珊瑚敲碎小玲瓏人
間無此種來自廣寒宮 雕玉闌干深院靜嫣然凝笑
西風曲屏須占一枝紅且圖歌醉枕香到夢魂中


張材甫

小闌干

露華深釀古香濃一樹出雲叢牕間試與閑培秋事聊
寄幽悰 鈎簾靜對西風晚塵外小房櫳輕陰淡日淺

寒清月想見山中

盧浦江



全芳備祖前集卷十三

欽定四庫全書

子部

全芳備祖前集卷十四至十六

詳校官中書_臣竇汝翼

主事_臣祁韻士覆勘

總校官庶吉士_臣朱 鈔

校對官助教_臣卞維吉

謄錄監生_臣陸潮愈

欽定四庫全書

全芳備祖前集卷十四

宋 陳景沂 撰

花部

葵花

附葵菜 黃葵 一大紅

事實祖

碎錄

葵有三種一取其花名蜀葵一取其葉名蒲葵

一取其可食名葵菜

南方草木記

蒹戎葵今蜀葵也

如木槿花晉傅玄蜀葵賦序曰其苗似瓜瓠既

大而潔鮮黃色耀日

爾雅志

黃葵常傾葉向日不

令照其根

說文

蜀葵有檀心色如牡丹姚黃蕊則

蜀葵也

本草

黃葵治便淋及催生處處有之春生

苗葉與蜀葵頗相似葉尖狹多刻缺夏末開花

淺黃色與蜀葵別種將產時取四十九粒子研

爛溫熱酒調下小花者名錦蜀葵又名戎葵

本草

若葵藿之傾太陽

曹子建表

葵藿葵菜也

說文

七月烹

葵及菽

幽風

葵承露也大莖小葉花紫黃色

爾雅一

丈紅浙間又一種葵俗名一丈紅花有五色

南方草木

記

紀要

仲尼曰鮑莊子智不如葵葵猶能衛其足

左傳

公儀休為

魯相食於舍而茹葵葵美愠而拔之曰又奪園夫紅女

之利乎

董仲舒策

魯監門女嬰相從績中夜泣曰衛世子不

肖是以泣其偶問其故曰宋司馬得罪於宋出奔於魯

馬逸食吾園葵是歲失利一半由是觀之禍福相反也

韓詩外傳

魯漆室女曰昔晉客舍我家繫馬於園馬逸踐吾

園葵使我終歲不厭葵味

列女傳

丁次都不知何許人為

遼東丁氏作奴丁氏常使買葵問何得此云從日南來

列仙傳

周顓清貧終日長蔬王儉謂顓曰卿山中何所食

最勝答曰赤米白鹽綠葵紫蓼又曰春初早韭秋末晚

南史

北齊彭城王攸在郡王氏種葵三畝被人盜之王

密書葵葉明旦令人入市看之遂得偷者

北史本傳

符堅欲

南師夢葵生城南以問婦曰若君遠出難為將也

異苑

雜著

衰荷依陰時藿向陽綠葵含露白薤負霜

潘岳賦

布護交

加蓊茸分葩踈莖密葉翠萼丹花

梁王筠賦

惟茲珍草懷芬

吐榮挺河渭之膏壤吸井井之玄精繞銅雀而疏植映

昆明而羅生作妙觀于神洲扇令名於東京馳驛命而

遠致攢華林而麗庭中脩翹之冉冉播圓葉之青青

虞翻

賦蝶翅堪憎蜂鬚可妬幾多之金粉遭竊一點之檀心

被污

賦 韓偓

賦咏祖

五言散句

紅葵旌節花

穎濱

園葵猶向日

文選

香宜配碧葵

少陵

青青園中葵朝露待日晞

沈休文

譬如後園葵有葉待秋霜

文選

流目視西園曄曄榮榮葵

淵明

無以肉食資取笑葵與藿

文選

水烟通徑草秋露接園葵

少陵

葵花雖粲粲蒂淺不勝簪

東坡

七言散句

爛煮葵羹斟桂醕風流可惜在蠻邨

東坡

西崦人家應自樂紫葵燒笋餉春耕

秋風似學金丹術戲把琉璃製酒盃

陳司封

一樹黃葵金盞側勸人相對醉西風

潘德久

五言古詩

賓厨何所有炊稻烹秋葵紅粒香復軟綠葉滑且肥饑
來止于飽飽後復何思思憶榮遇日迨今窮退時今亦
不凍餒昔日無餘資口既不減食身又不減衣撫心私
自問何者是榮衰

香山

昨日一花開今日一花開今日花正好昨日花已老人
生不得長少年莫惜床頭沽酒錢請君有錢向酒家君

不見戎葵花

岑參

弱質困夏永奇姿蘇曉涼低昂黃金盤照耀初日光檀
心自成暈翠葉森有芒古來寫生人妙絕誰似昌晨粧
與午醉負態含陰陽君看此花枝中有風露香

東坡

五言古詩散聯

種葵此園中葵生鬱淒淒朝榮東西傾夕穎西南晞零
露垂澤鮮明日耀其輝

豐條併春盛落葉後秋衰慶彼晚彫福忘此孤生悲
翩翩晚彫葵孤生寄此間被蒙覆恩露微軀後時殘庇

足同一智生理名萬端不若聞道易但傷知命難

陸機

淘米少汲水多汲井水渾刈葵莫放手放手傷葵根

杜甫

採葵莫傷根傷根葵不生結交莫羞貧羞貧交不成

古詩

白若繒初斷紅如顏欲酡生令仙駕儼幢節紛駢羅物

性有常妍人情輕所多菖蒲倘自秀棄擲不吾過

溫公

錦江何日別漆水今朝見清露繞顏色秋鷺一分淺

文與

可

花生初咫尺意思已尋丈一日復一日看看衆花上

吳荊

溪

五言絕句

慚君能衛足歎我遠遊根
白日如分照還歸守故園

李白

五言八句

炎天花盡歇錦繡獨成林
不入當時眼其如向日心
寶

釵知見棄幽蝶或來尋
情許清風下芳醪對一斟

韓忠獻

七言絕句

此花莫遣俗人看
新染鴛鴦黃色未乾好
逐秋風天上去

紫陽宮裏要頭冠

李涉

名花八葉嫩黃金
色點書窓透竹林
無柰美人閒把嗅

直疑檀口印中心

嬌黃初綻欲留詩
盡日含毫有所思
記得玉人初病起

道家粧束厭襌時

薛能

眼前無柰蜀葵何
淺紫深紅數百窠
能共牡丹爭幾許

得人輕處祇緣多

陳標

白露清風催八月
紫蘭紅藥共淒涼
黃花冷淡無人看

獨自傾心向太陽

劉原父

開時閒淡歛時愁
蘭菊應容預勝流
剩欲持杯相領畧

一庭風露不禁秋

范蜀公

黃葵貴麗不妖嬈
一朵新晴松外高
還是邇英臨黼座

朦朧曉日照天高

宋景文

昔年南國看黃葵
雲鬢金釵向後垂
今日村家籬落下

秋風寂寞兩三枝

王正美

紅白青黃弄淺深
旌分幢葉自成陰
但疑承露矜殊色

誰識傾陽無二心

楊巽齋

都將葵葉蓋庭中樹似桄榔葉似梭欲問天公覓微雪

粧成急嚮打船蓬

誠齋

窮筮端能直幾錢騎奴不擬雨連天蓋頭旋折山葵葉

劈破青青傘半邊

七言八句

人笑戎葵定是痴不愁曦景早和遲便令隔霧光難到
也則傾心苦為誰衛足平生非我志向陽一點只天知

話頭試問程休父休父丹衷便是葵

誠齋

七言律詩散聯

拓罷淮南金戟牙時平來坐野僧家
槍旗謾摘社前雨旌節旋移春後花

洪平齋

恐是牡丹重換紫久疑芍藥再翻紅
嬌嬈不似桑間女

蔽帟深迷苧下翁

陳石齋

樂府祖

菩薩蠻

秋花最是黃葵好天然嫩態迎春早染得道家衣淡粧
梳洗時晚來清露滴一一金杯側插向綠雲鬟便隨

王母仙

晏元獻

蓼花

事實祖

碎錄

一名天蓼一名澤蓼

本草

以薺茶蓼

詩載

予又集于蓼

詩小

陸贈秋用蓼

禮記

鴉羹雞羹駕釀之蓼

同上

紀要

越王念吳欲復怨非一日也苦思勞心夜以繼日卧則

嘗蓼

吳越春秋

霍丘古號東蓼西蓼蓋古之蓼國也

安豐志

雜著

蓼蟲在蓼則生在芬則死非蓼仁而芬賊也

戰國策

觀茲

茂蓼紛葩吐盈猗那隨風綠葉厲莖爰有蠕虫厥狀似

螟羣聚其間食之以生則罔不知辛況乎人以安逸為

心乎

漢孔臧

賦咏祖

五言散句

蓼花被堤岾

柳子厚

鹽豉煎芹蓼

鄭穀夫

蓼穠芳非疇

韓文公

羣芳坐衰歇聊自舞春風

石曼卿

叢蓼晚可喜輕紅隨秋深

東坡

七言散句

水蓼冷花紅簇簇

白香山

雨濕蓼花千穗紅

溫

蓼花無數入船窓

李元膺

暮天新雁起汀洲紅蓼花開水國愁

羅鄴

花穗迎秋結晚紅園林清淡更西風

宋景文

簇簇蒲浦映蓼花水痕天影蘸秋霞

林君復

五言八句

簇簇復悠悠年年拂漫流差池伴黃菊冷落過清秋晚

帶鳴蟲急寒藏宿鷺愁故溪歸不得憑仗繫漁舟

鄭谷

七言絕句

秋歸南浦蟪蛄鳴
霜落橫湖溪水清
卧雨幽花無限思

把叢寒蝶不勝情

東坡

分紅間白汀洲晚
拜雨揖風江漢秋
看渠耐得清霜去

却恐蘆花先白頭

劉後村

七言律詩散聯

紅穗已沾巫峽雨
綠痕猶帶錦江泥
吟狂不覺驚幽鷺

坐困飈疑在舊溪

張忠定

樂府祖

行香子

金井先秋梧葉飄黃幾回驚覺夢初長雲微烟淡疎雨
池塘漸蓼花明菱花冷藕花涼幽人已慣枕單衾冷
任商飈催換年光問誰相伴終日清狂有竹間風樽中

酒水邊牀

王晉卿

蘆花

事實祖

碎錄

蘼葭蘆葦也

酒雅

紀要

雁啣蘆以避矰繳

淮南子

五言散句

蘆花留客晚

蘆花似朝霜

七言散句

楓葉荻花秋瑟瑟

白樂天

十年九陌寒風夜夢掃蘆花洗客衣

歸雁驚鴻共斷魂荻花楓葉泊孤村

張載

最愛蘆花經雨後一蓬烟火飯漁船

和靖

白蘋滿棹歸來晚却看蘆花一夜霜

蘇養直

忘却蘆花叢裡宿起來誤作雪天吟

張一翥

門外須臾風竹定櫓聲搖曳出蘆花

趙訥軒

白鳥一雙簾外去蘆花風靜釣舟閒

五言八句

摧折不自守秋風吹若何暫時花帶露幾處葉沈波體

弱春苗早叢長夜露多江湖後搖落亦恐歲蹉跎

少陵

避世水雲國卜鄰鷗鷺家風前揮玉麈霜後幻楊花骨

相緣詩瘦秋聲訴月華欲招盧處士歸去老生涯

誠齋

七言古詩

琵琶亭前夜泊舟荻花瑟瑟風颼颼潯陽夜靜月如晝

琵琶寂寞江空流

王溪雲

七言絕句

釣罷歸來不繫船江邛月落正堪眠縱然一夜風吹去

只在蘆花淺水邊

司空文明

竹映風窓數處斜旅人愁坐思無涯夜來留得湖山夢

全為乾蘆似荻花

唐彥謙

雨折霜乾不耐秋白花黃葉使人愁月明小艇湖邊宿

即是江南鸚鵡洲

東坡

眇眇臨窓思美人荻花楓葉帶雞聲夜深吹笛移船去

三十六灣秋月明

鄭克巳

夜合花

事實祖

碎錄

安和五臟和心志令人歡樂無憂人云合歡夜合也生益州山谷間近洛有之人家多植於庭除似梧桐枝甚柔弱葉似皂莢莖細而密互相交結風來一似相解不相牽綴其葉至暮而合一名合昏五月花發紅白色瓣上若絛茸至秋而作莢子極薄細

類要圖經

欲蠲人之憂

則贈以丹棘一名忘憂欲蠲人之忿則贈以清棠合歡也

崔豹

紀要

晉嵇康種之舍前嘗曰合歡蠲忿萱草忘憂

本草

心
胸
填

錯取夜合掌火一枝水煮服之故后山詩云探囊一試

黃昏湯

詩話

賦咏祖

五言散句

消忿贈合歡

古詩

青枝散紅叢

東坡

合歡尚知時鴛鴦不獨宿

少陵

五言古詩

南鄰有奇樹承春挺素華
豈翹被長條綠葉蔽朱柯
因風吐微香芳氣入紫霞
我心羨此木願從著子家
夕得游其下朝得弄其葩

晉楊芳

俗人之愛花重色不重香
吾今得真想似矯時之常所
愛夜合花清馥踰衆芳
葉葉自相對開歛隨陰陽
不慚

歷草滋獨堯階祥得此合歡名憂忿誠可忘茸茸紅
白姿百和夜風颭沈水燎庭檻薰陸芳纓裳彌月固未
歇况茲夏景長凡目不我貴釀裂徒自將仲尼失滅明
史遷疑子房以貌不以行舉世空悲傷予欲先馨德羣
芳孰可方直饒妖牡丹須遜花中王

韓忠獻

移晚較一月花遲過半年紅開杪秋日翠合欲昏天白
露滴不死涼風吹更鮮後時誰肯顧惟我起君憐

香山

五言八句

綺樹滿朝陽融融有露光雨多疑濯錦風散似分粧葉
密烟蒙火枝低繡拂牆更憐當暑見留咏日偏長

元微之

七言絕句

合歡枝老拂簷牙紅日開成蕪暈花最是清香合蠲忿

累旬風送入窻紗

韓忠獻

百合

事實祖

碎錄

春生苗高數尺幹粗如箭四面有葉如雞距又似柳葉
青色葉近莖微紫莖端碧白四五月開紅白花如石榴
紫而大根如胡蒜重疊生三十瓣人蒸食之益氣類要圖經
賦咏祖

五言古詩散聯

接葉有多重開花無異色含露合低垂從風時偃抑梁武帝

五言古詩

少陵晚崎嶇託命在黃獨天隨自寂寞療饑惟杞菊古
來淪放人餘業被草木我客漢東城鄰曲見未熟不應
惱鵝鴨更忍累口腹過從首三張伯仲肩二陸頰膚分
子薑雪茁餽萌竹冥搜到百合可使當重肉軟溫甚鴟
蹲瑩淨豈鴻鵠食之倘有助蓋昔先所服詩腸貯微甘
茗碗爭餘馥果堪止淚無欲縱望鄉目

牽牛花

事實祖

紀要

牽牛生花如鼓子花稍大作碧色子有黃殼作小房實
稍黑類蕎麥陶隱居云竹藤生花狀如扁豆黃色子作
小房實黑色形如毬子核療腳氣此藥始出田埜人牽
牛易藥故以名之

本草

賦咏祖

七言散句

宮殿無人土花碧

紅芭蕉映黑牽牛

鼓子秋來染碧衣

陳古潤

秋來難得花成染閒引牽牛上短籬

趙山臺

五言古詩

楚女霧露中籬上摘牽牛花蔓相連延星宿光未收米
之一何早日出顏色休持實梅窓間染薑奉盤羞爛如

珊瑚枝惱翁齒牙柔齒牙不能餐梁肉坐為仇

梅聖俞

牆根有冬瓜費盡滋溉力牽牛獨得志抽走無尋尺既

上我屋壁復冒我籬落
遊藤僅細縷逐節分
豆葉未欲揮鋤斤
且與粧秋色任他繞屋去
庶表幽人宅

五言古詩

柔條長百尺秀萼包千葉
不惜作高架為君相引接

與文

可

弱質不自持籬落分布護
霜刀剪翠雲零落不知數

李釣

翁

五言八句

西風樵子谷藤蔓絡柴關名在星河上花開曉露間秋
空同碧色晚日轉紅顏若掛青松頂脩然不可攀

趙庶境

七言絕句

銀漢初移漏欲殘步虛人倚玉闌干仙家染得天邊碧
乞與人間向曉看

素羅頂笠碧羅簷晚卸藍裳著茜衫望見竹籬心獨喜
翩然飛上翠瓊簷

莫笑渠儂不服箱天孫為織錦雲裳浪言偷得星橋巧

只解冰盤染紫薑

曉思歡欣晚思愁
繞籬縈架太嬌柔
木樨未發芙蓉老
買斷西風恣意秋

青花綠葉上疎籬
別有長條竹尾垂
老覺淡粧差有味

滿身秋露立多時

姜白石
二首

不見青青繞竹生
西風籬落抱枯藤
道人一任空花過

愁殺山陰覓句僧

青青柔蔓遶脩篁
刷翠成花著處芳
應是折從河鼓手

天孫斜插髮雲香

吳衛

一泓天水染朱衣生怕紅埃透日飛急整離離蒼玉佩

曉雲光裏渡河歸

施東洲

圓似流泉碧剪紗牆頭藤蔓自交加天孫滴下相思泪

長向秋深結此花

林浦山

紅蓼黃花取次秋籬巴處處碧牽牛風烟入眼俱成趣

祇恨田家歲薄收

徐橋隱

凌霄花

事實祖

碎錄

錢塘西湖有詩僧清順居其上自名藏春塢門前有二
古松各有凌霄花絡其上順常晝卧子瞻為郡守一日
屏騎從過之順指落花覓句子瞻為作木蘭花

本事集

賦咏祖

七言散句

固知臭味非相類奈有縈經不自由

魯南
豐

引蔓閒花欲透雲托身下倚老松身

蔣梅邊

五言古詩

草木不解行隨生自有理觀此引蔓柔必憑高樹起氣
類固有合縈纏豈由已仰見蒼虬枝上發彤霞蕊層霄

不易凌樵斧者誰子

聖俞

凌波條體纖柔枝葉上綴青青亂松樹直幹遭蒙蔽不

有嚴霜威焉能辨堅脆

曹文昭

七言絕句

直饒枝幹凌霄去，猶有根原與地平。不道花依松樹發，

強攀紅日鬪鮮明。

楊繪

嫋嫋枯藤淡絳葩，蜚緣直上照殘霞。老僧不作依棲想，

將謂青松自有花。

趙汝

樂府祖

木蘭花

雙龍對起白甲蒼髯，烟雨裏疎影微香。下有幽人晝夢長，
湖風清軟，雙鵲飛來，爭噪晚翠。鮑紅輕時，墮凌霄

百尺英

東坡

全芳備祖前集卷十四

欽定四庫全書

全芳備祖前集卷十五

宋 陳景沂 撰

花部

酴醾

事實祖

碎錄

酴醾本作稂縻後加酉

海錄

紀要

唐寒食宴宰相用醪醑酒

醪醑本酒名世以所開花

顏色似之故取為名

歲時記

唐台侍臣學士食櫻桃飲醪

醑並以琉璃盤和以香酪

景龍文館記

賦咏祖

五言散句

畫屏風自展

香山香

簇簇霜葩密層層玉葉同

聖俞

臨風難自持為舞白霓裳

張文潛

無葉真國色有韻自天香

宋景文

光凝直照夜枝軟或牽衣

穎濱

國艷寧施粉天香自染衣

魯文昭

側葉光艷薄餘芳香氣微

蔡君微

青春逐流水素質獨輕微

張芸叟

玉女雕瓊萼仙禽借菊衣

晏元獻

七言散句

風動翠條腰婀娜

白香山

不問春歸自放花

趙信
巷

酴醾縛籬金沙牆

葉水
心

少府無妻春寂莫花開將爾當夫人

香山香

殘春鈴閣無公事來就酴醾當晚衙

蘆溪

媚條無力倚風長架作圓陰覆坐涼

宋景
文

姑射真人玉骨香淡月微風惜良夜

盧元
贊

風霜老枯蹙龍蛇中有青春白玉葩

張文
潛

金沙豐腴合德艷酴醾輕盈飛燕身

高堂神女蘭供澤姑射仙人雪縈肌

楊元素

傾家釀酒經年醉不使春風負玉壺

劉原父

強挽春風留一醉露香還可析朝醒

綠葉黃花相映深水邊臺畔結浮陰

曉風尚自知人意時去時來管送香

張芸叟

不作殘春日日飲定知無奈此香何

曉來風入萬花動零落滿頭飛下時

劉巨濟

祭畢崇壇冷玉球月斜星淡思悠悠

晏元獻

誰遣虬枝上高架稍覺行雲覆行路

王梅溪

園林綠樹成陰後庭院青春欲老時

走上松梢繞却好為他滿插一頭花

楊廷秀

借令落盡仍香雪且道開時是底花

快晴似為酴醿計急雨還妨燕子飛

范石湖

玉立春深雪不如生香透骨雪應無

還將盧舍全身面換却何郎粉骨姿

劉溪翁

青蛟煖晝擎雲上白雪深春壓架香

徐溪月

催趙茶醪交夏景安排芍藥送春光

易寓言

可堪收拾歸屏枕頗欲浮沈赴酒杯

疎籬半掩茶醪面小立黃昏等燕歸

徐桃渚

不料忽成惆悵事片時飛盡白薔薇

周汾陽

五言古詩

倡女卷春袂迎風戲玉除近叢看影密隔樹望花稀橫

枝斜綰袖嫩葉下牽裾牆高攀不及花新摘未舒莫疑

插髮少分人猶有餘

梁元帝

新花臨曲池佳麗復相隨鮮紅同映水輕香共逐吹繞
架尋多處窺叢見好枝今朝猶少恨將放復嫌菱釵邊
爛漫挿無處不相宜

劉璣

荼縻不爭春寂寞開最晚青蛟走玉骨羽蓋蒙朱幘不
粧艷已絕無風香自遠淒涼吳宮闕紅粉埋故苑餘香
此入花千載尚悽惋

東坡

五言古詩散聯

下騰赤蛟身上抽碧龍頭千枝蟠一蓋一蓋簪萬毬花

要帶月看香要和露收一點落衣袂經月氣未休一點

入釀甕經歲味尚留

謝克仁

五言絕句

故作醪醖架金沙祇謾裁似矜顏色好飛度雪前開

荆王

公

來自蠶叢國香傳弱水神析醒疑破鼻併艷欲留春

宋景

文

清香透水檻榮陰在天家翠輦宸游後珠欄晝影斜

吳克

風枝張羽蓋露臉汙何郎收拾歸醺醺芳姿韻更香

梅王

溪

又

叢葉扶重蕊微風動弱枝壯人言語巧喚作菊醺醺

徐致

中

五言排律

梅殘紅葉遲此物共春輝名字因壺酒風流付枕幃
墜釵香徑草飄珥淨垣衣玉氣晴虹發沈材鋸屑霏
直知

多可厭何忍摘令稀當恨金沙學顰時正可揮

山谷

五言八句

雨過無桃李惟餘雪覆牆青天映妙質白日照繁香影
動春微透花零韵更長風流到樽酒獨足助詩狂

陳簡齋

五言律詩散聯

穠因天與色麗共日爭光剪碧排千萼研朱粲萬房

香山

烟條塗石綠粉蕊撲鵝黃根動彤雲湧枝搖赤羽翔

乍見疑回面遙觀誤斷腸風朝舞飛燕雨夜泣蕭娘桃

李慚無語芝蘭遜不芳
山榴何細碎石竹苦尋常
蔥慘隈欄避蓮羞映浦
藏怯教蕉葉顫妬得柳
花狂豈可輕嘲咏應須
痛比方

香山香

生成從火令顏色占中
央綠葉排圓翠青苞蓄
異香叢陰周曲榦纖刺
比鋒芒

種明逸

七言古詩

裊裊長數尋青青不作
林一莖獨秀當庭心數
枝分作滿庭陰春日遲
遲欲將半庭陰糺糺正
堪玩枝上嬌鶯

不畏人葉底蛾飛自相亂
秦家女兒愛芳菲
畫眉相喚採葳蕤
高處紅鬚欲就手
低邊綠刺已牽衣
蒲萄架上朝光滿
楊柳園中暝鳥飛
連袂踏歌從北去
風吹香氣

逐人歸

儲光義

花飛十不啻五六
青子團枝朱紫簇
江南桃李總成陰
不論少城與韋曲
酴醾珍重不浪開
晚堆綠雲點水玉
體薰山麝非一臍
水洗銀河費千斛
滴成小倍密于絲
亂走長條柔可束
醉眸有及月下來
破鼻試從風裏觸

先生未必被花惱偶與門人暮春浴為憐壓架千萬枝
小立旁邊須新馥剩拚好語寵瓊蕤更掇青英付醺醪
先生何得便杜門霜鬢猶須玉堂宿

誠齋

西湖野僧夸歲冰半年化作真水精南湖詩人笑渠拙
不知儂家解乾雪藏冰寄于山之幽纔聽九地山鬼愁
儂家藏雪有妙手分明晒在翡翠樓向來吳二拉滕六
玉妃夜投玉川屋剪水作花吹朔風揉雲為粉散寒空
醉挿兩袖拂銀漢稍得萬斛冷不融瓊田挈月拾翠羽

砌成重樓天半許盤作青蛟吐綠霧亂飄六出重沈炷
人間雪脆那可藏天上雪落何曾香三月盡頭四月首
南湖香雪今誰有分似誠齋老詩叟碎按玉花泛春酒
一飲一石更五斗

誠齋

七言古詩散聯

京師三月茶蘼開高架交垂自為洞素蕊層層紫蕊香
釀歸光祿春生甕東陌西阡走鉤車芳林廣圓飛朱轡

俞聖

已憐正發香
曉暖猶愛將
開花的礫半
垂野水弱如
墜直上長松
勇無敵風中
娜娜應數枝
月下煌煌真
一色

潁濱

不傳人間玉
奩粉別有天
上金爐烟獨
清合作諸蘭
佩深白未數
楊花綿春風
爛漫倚牆角
一月不復燒
龍涎

石敏若

庭前積水過
不流落葉千
片水上浮憐
花不忍見彫
謝

風力顛猛摧
嬌柔

張無盡

七言絕句

鑿斷千家作一池不栽桃李種酴醾
莫教葉落秋風後

荊棘滿庭君始知

賈島

平生為愛此香濃仰面長迎落絮風
每至花殘有遺恨

典刑猶在酒杯中

韓維

漢宮嬌額半塗黃肌骨濃熏班馬香
日色漸遲風力細

倚闌偷舞白霓裳

山谷
三首

沈水衣籠白玉苗不蒙前拂若無聊
煩君斫取西莊柳

扶起春風萬萬條

茶蘼一架最先來
夾竹金沙次第栽
濃綠扶疎雲對起

醉紅撩亂雪先開

長憶故山寒食夜
茶蘼野發暗香來
分無素手簪羅髻

且折霜蕤浸玉醅

東坡

後圃茶蘼手自栽
清于芍藥穠于梅
舊來酒客今無幾

三嗅馨香懶舉杯

潁濱

冰肌雪艷映殘春
燠日薰風入四鄰
任是主人能愛惜

也拚一半與遊人

張芸
叟

明紅暗紫競芬菲送盡東風不自知
占得餘香慰愁眼

百芳無得似荼蘼

劉原
父

東皇收拾春歸去獨遣荼蘼殿後塵
憐我寒窓賦愁寂

時看玉面送殘春

王蘆
溪

名園雨蓋護重重不似青蛇出甕中
好事主人仍好定

旋移韻友乞山翁

王梅
溪

仰架遙看時見些登樓下瞰脫然佳
荼蘼蝴蝶渾無辨

飛去方知不是花

誠齋
二首

雪顆雲條一架春酒中風度夢中聞東風不是無顏色

過了梅花便到君

香雪支離半墜風柔條無奈不成叢阿蠻如許風流骨

打困秋千細雨中

謝幼
謙

東風滿架索春饒三月梁園雪未消賸馥餘姿抵蘭麝

柔條無力帶瓊瑤

戴石
屏

紛紛紅紫落莓苔帶月和烟特地開疑是玉妃新浴出

翠雲梯上舞風臺

徐竹隱

雨後溪流半沒沙粉牆賣酒是誰家客中不覺春深淺

開了荼蘼一架花

湛道山
二首

一春多雨少晴光眼底青春去意忙已恨點衣紅作陣

纔憐滿架雪生香

穠華先占早春芳色別先容五樣粧步屨東邨風力軟

吹來只自一般香

百花
新咏

梅釀蘭氤氳藥清旃檀娑律萃天馨試開秦趙當年宴

何藉珠簾翡翠屏

布葉數條翠作圍自生芒刺護裳衣
莫嫌墊興難拘束

只伴春風亦見幾

陳三
嶼

一年春事到茶蘼香雪紛紛又撲衣
儘把檀心好看取

與留春住莫教歸

茶蘼架倒無人架全似老夫狂醉時
昨夜一番溪雨橫

又添苔蘚到花枝

周方
泉

七言八句

肌膚冰雪薰沈水百草千花莫比方
露濕何郎試湯餅日烘荀令炷爐香
風流徹骨成春酒夢寐宜人入枕囊
輸與能詩王主簿瑤臺影裏據胡牀

山谷

榮華休羨黑頭公且對芳辰賞麗叢
十萬青條寒挂雨三千粉面笑臨風
莫將擬雪才情賦盍與觀梅況味同
只恐春歸有遺恨典型猶在濁醪中

劉彥冲

花神未怯春歸去故遣仙姿殿後芳
白玉體輕蟾魄瑩素紗囊薄麝臍香
夢思洛浦婢娟態愁記瑤臺淡淨粧

勾引詩人清絕處一枝和雨在東牆

朱淑真

青蛟蛻骨萬條長玉架盤雲護曉光外面看來些子葉
中間著得許多香一枝縞色分明好百卉含羞不敢芳
飛殺啣花雙海燕被渠勾引一春忙

劉溪翁

七言律詩散聯

曉啼珠露渾無力繡簇羅裙不著行若綴壽陽公主額

六宮爭肯學梅粧

李嶠

瓊林殿側玉鉤閑雪覆新花四月閒密影酡容千客坐

柔條何啻萬龍蟠

劉原父

雨後茶蘼將結局風前芍藥正催粧道人不管春深淺

贏得山中歲月長

王庵僧

獨憐朱臉花容俗全學瑤臺玉女粧素月共成中夜色

好風分散四鄰香

程金紫

樂府祖

鵲鵲天

紅紫飄零綠滿城春風于此獨留情誰將十幅吳綾被

撲向薰籠一夜明 風不定雨初晴曉來苔上拾殘英

速教貯向鴛鴦枕猶有餘香入夢清

晁次膺

滿江紅

千種繁香香已去翩然無跡誰信道荼蘼枝上靜中收
得曉鏡洗粧非粉白晚衣弄舞餘衫碧繁實釵珠珥不
勝持濃陰夕金剪度還堪惜霜蝶睡無從覓知多少
好詞清夢釀成冰骨玉女散花無酒聖仙人種玉慚香
德悵攀條記得髮絲青東風客

趙德莊

臨江仙

鶯喚屏山驚睡覺，嬌羞須索郎扶。茶縻斗帳冷熏爐。翠
穿珠箔，香淨玉流蘇。長記枕痕消醉色，日高猶倦
粧梳。一枝春瘦想如初。夢迷芳草路，望斷素鱗書。

張仲宗

不恨綠陰桃李過，茶縻正向人開。一樽清夜月徘徊。花
如人意，好月為此花來。未信人間香有許，却疑同住
瑤臺。紛紛殘雪墮深杯。直教攀折盡，猶勝酒醒回。

韓南潤

少年遊

去年同醉酴醾花下健筆賦新詞今年君去酴醾欲破
誰與醉為期 舊曲重歌斟別酒風露泣花枝漳水能
長湘水遠流不盡兩相思

向鄰
林

浣溪沙

翠羽衣裳白玉人不將朱粉污天真清風為伴月為鄰
枕上解隨良夜夢壺中別是一家春同心小綰更尖
新

西江月

紅退小園桃杏綠上芳草池塘誰教芍藥殿春光不似
酴醿宮樣翠蓋更蒙朱幃熏爐剝熨沈香娟娟風露
滿衣裳獨步瑤臺月上

點絳脣

羽蓋垂垂玉英亂簇春光滿韻香清遠煖日烘庭院
露浥瓊枝臉透何郎暈凝餘恨古人不見誰與花公論

梅溪

野態芳姿枝頭占得春長久怕鉤衣袖不放攀花手

試問東山花似當時否還依舊謫仙去後風月今誰有

賀新郎

曾與瓊姬約恍相逢翠裳搖曳珠纓聯絡風露青冥非
人世攬結玉龍騖鶴愛萬朵千條輕弱禱祝花神憐惜
取到閒時晴雨須斟酌枝上雪莫消却惱人還似中

狂藥憑危闌燭光交映樂聲遙作身上青衫香熏透看

到參橫月落萸萸猶低一著坐有緱山王郎子倚玉

簫度曲難為醉君不飲鑄成錯

劉後村
王廣文示
醉詞夜飲花下用韻

想赴瑤池約向東風名姬駿馬翠韉金絡太液池遣鵲
羣下又似南樓呼鶴畫不就濃纖嬌弱羅帕封香來天
上瀉銅盤沆瀣供清酌春去也被留却芳魂再返應
無藥似詩咏綠衣黃裏感傷而作愛惜尚嫌蜂採去何
況流鶯蹙落且放下珠簾遮著除却江南黃九外有何

人敢與花斟酌君認取莫教錯

劉後村
黃酴醾

淺把宮黃約細端相普陀烟裏金身珠絡萼綠華輕羅
襪底飛下祥雲綵鶴

九疑山中萼綠華
黃雲承襪到羊家

朵朵賽蜂腰纖

弱已被色香撩病思儘鶯兒酒美無多酌看不足怕殘
却 人間難得傷春藥更枝頭流鶯喚起少年狂作留
取姚家花相伴羞與萬紅同落未肯讓先梅蠟著樂府
今無黃絹手問斯人清唱何人醉休草草認題錯

院宇重重掩醉沈沈亭陰轉午繡簾高捲金鴨香濃熏
寶篆驚起雕梁語燕正架上酴醾開徧嫩萼梢頭舒素
臉似月娥初試宮粧淺風力嫩異香軟 佳人無意拈
針線遶朱闌六曲徘徊為他留戀試把花心輕輕數暗

卜歸期近遠
奈數了依然重怨
把酒問春
春不管枉教
人只恁空腸斷
腸斷處怎消遣

劉過

如夢令

今夜醺醺風起
應是玉消瓊碎
淡蕩滿城春惱
破愁人
春睡須醉須醉
莫待梅黃雨細

聲聲慢

羞朱妬粉
染露裁雲
淡然蒼佩
仙裳半額
風粧莫道
梳洗家常
碧羅亂縈
小帶翠虬
寒一架
春香清思
苦倚晴

嬌無力如侍韓郎 密幄籠芳吟夜任露沾輕袖月轉
空梁弱骨柔姿偏解勾引詩狂遺鈿碎金滿地恨無情
風送韶光閑晝永看青青垂蔓引過東牆

史可
堂

全芳備祖前集卷十五